

Zebarri?

U R L A T I K L A N D E T A R A

ESKORIATZA ETA LEINTZ GATZAGA / Egubakoitza / 2003ko otsailaren 14a / 113. zenbakia

KOORDINATZAILEA: Aintzane Gardoki • Durana 11 20550 ARETXABAETA • Tel.: 943 79 86 21 • Faxa: 943 77 18 54 • Posta elektronikoa: zebarri@goiena.com • Lege gordailua: SS200/99

Luis Ezeiza eskolan balioen gaineko ikasgaiak jaso dituzte Kultura Astean

AMAGOIA LASAGABASTER

Gaur, egubakoitza, amaitu dituzte Luis Ezeizan Kultura Asteko ekitaldirik garrantzitsuenak. Astelehenean (hilak 10) hasita, higienearekin, istripuekin, literaturarekin eta bazterketa sozialarekin lotutako gaiak landu dituzte, besteak beste, Kultura Astean.

Datorren eguaztenean, hilak 19, egingo dute Luis Ezeizan Kultura Astearekin lotutako azken ekitaldia. Egun horretan, *Helduen papera umeen heldze prozesuan* izenburuko berbaldia egingo du Ezozi Arizagak. Edozelan ere, Kultura Asteko ekitaldi gehienak oraingo astean egin dituzte Eskoriatzako herri eskolan. Astelehenean (hilak 10) hasi eta gaur arte, hainbat gairen gaineko berbal-

Eguaztenean, hilak 19, egingo dute Luis Ezeizan Kultura Asteko azken ekitaldia

diak, antzerki saioak eta era guztietako lantegiak egin dituzte Luis Ezeizako irakasleek, ikasleek bai eta gurasoek ere.

GURASOEN PARTE-HARTZEA

Luis Ezeizako Kultura Asteak hainbat giza balioen gainean hausnarketa egitea du helburu. Horregatik, eskolako arduradunek gurasoen parte-hartze zuzena bultzatu gura izaten dute. Izan ere, irakasleen esanetan, giza

Luis Ezeizako Kultura Asteak hainbat giza balioen gainean hausnarketa egitea du helburu

balioen gaineko irakasgai sekulako garrantzia du familiak.

'BELTZITINA'

Astean egin dituzte ekitaldien artean, Luis Ezeizako arduradunek Panta Rhei taldeak egindako *Beltzitina* antzezlan nabarmendu dute. *Beltzitina*-k atzerapen psikikoa duen neskatxo baten istorioa kontatzen du, eta irakasleei gai horrek asko lagundu die hainbat giza balio lantzeko.



Luis Ezeizako umek adi jarraitu dituzte Kultura Asteko ekitaldi guztiak.



700 kilo janari batu dituzte Arizmendin

Arrasateko Udaletik jaso zuen SERSO San Viator gobernuz kanpoko erakundeak SOS Sahara kanpainen parte hartzeko eskaera. Arizmendi osora zabaldu zuen hirugarren mundurako elkarrekin deialdia, eta Almen gunean 700 kilo janari jaso dituzte. Lekaleak, zerealak, olioak, atun-kontserba eta azukrea jaso dituzte, besteak beste, ikasleek. Batxilergoko eta Derrigorrezko Bigarren Hezkuntzako ikasle talde bat arduratu da janaria jaso eta desertura bidaltzeko prestaketa lanez. Dena dela, arduradunek esan digutenez, janari gehien 6 eta 12 urte bitarteko umek ekarri dute. Arrasaten sei tona, Bergaran lau tona eta Antzuolan 635 kilo janari jaso dituzte. /A.G.

MIKEL ERRARTE/SANTA AGEDA MUTILA

“Ez dut ulertzen zergatik jokutzen dugun horrela”

AINTZANE GARDOKI

Mikelek 18 urte beteko ditu laster. Horregatik, aurten, Santa Ageda mutil izan da. Dagoeneko txapel barik aurkitu dugu, eta berba bi kendu gura izan dizkiogu. Herriko auzoak eta baserriak ezagutzeko balio izan dio kinto izateak, behintzat.

Zer-nolako esperientzia izan da kinto izatea?

Orokorrean, ona. Bezperan, oso eguraldi txarra egin zuen arren, baserri baserri ibiltzea oso aberasgarria izan zen. Auzo batzuetara joan den astean heldu nintzen lehengoz; esperientzia polita izan zen. Beste gauza batzuk, aldiz, ez ziren horren onak izan.

Aspaldiko urteotan kintoek hartu duten izen kaskarra ondo merezitakoa da?

Badirudi aurreko urteko kintoek egindakoak gainditu behar



ditugula-edo. Ez dut ulertzen zergatik jokutzen dugun horrela. Alkatteak deitu zigun orduak errespetatu eta herria errespetatzeko esanez, baina...

Herritarrek, dena dela, zelan erantzuten dute?

Uste baino askoz hobeto; batez ere, baserriarrek.

Zenbat etxafuego bota dituzue?

Uf! Ez dakit, baina asko! Ez ditut gustuko. Ez dut bakarrenez bota, baina, larregi bota ditugu.

TELEFONO JAKINGARRIAK

ESKORIATZA	
Udaletxea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Eceiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetza	943 71 44 52
Telesko	943 71 49 17
Taxiak	943 71 40 59

BESTELAKOAK	
Eskualde ospitalea (Arrasate) ..	943 00 53 00
Gurutze Gorria (Bergara) ..	943 76 55 76

OHARRAK

GERNIKA DEIALDIA

Bihar, zapatua, Gernika Deialdia herri plataforma aurkeztuko dute Eskoriatzan. Ekitaldia Herriko plazan izango da, 12:00etan.

SAGORDOTEGIRA IRTEERA

Gazte Asanbladak antolatatu du. Autobusa bihar, zapatua, irtengo da, autobus geltokitik, 18:30ean.

HITZALDIA; 'DESOBEDIENTZIA ZIBILA'

Datorren egunean, hilaren 20an, *Desobedientzia zibila* izenburuko hitzaldia izango da gaztetxean, 18:30ean.

LIBURUTEGI BERRIA ETA WEBGUNA

Datorren egubakoitzean, hilaren 21ean, liburutegi berria inauguratuko dute eta herriko webgunea aurkeztuko dute. Liburutegi berrian, 18:30ean.

AXTROKIRENAGENDA

KORRIKA 13

Apirilaren 4tik 13ra bitartean Mauletik Iruñara joango da 13. Korrika. Axtrokik, herriko talde, elkarte eta ikastetxeei Korrikaren alde lana egiteko deialdia luzatu die.

IÑAKI AGIRIANO/ESKORIATZAKO BIBLIOTEKARIA

“Liburutegi berrian nagusien esparrua bultzatu gura dut momentu honetan”

AINZANE GARDOKI

Iñaki Agiriano arduratuko da aurrerantzean liburutegi berriaz. 1985ean hasi zen liburutegian lanean, baina azkeneko lau urteotan eszedentzian egon da. Proiektu berriak erakarrita, liburutegira etorri da berriro Iñaki.



A.G.

Ia lau urtez eszedentzian egon zara. Zer dela eta itzuli zara orain herriko liburutegira?

Liburutegi berriaren inguruan sortu den proiektu berriak ekarri nau berriro liburutegira. Neka-neka eginda nengoelako hartu nuen eszedentzia. Liburutegi zaharra txiki-egia zen. Ez zegoen gustura lan egiteko modurik. Lekuak berak ez zuen inolako irtenbiderik ematen. Orain, berriz, leku handia izango duzu.

Liburutegi zaharrak 87 m² ditu eta berriak, berriz, 450 m². Horrez gainera, liburutegia asko aldatu dira azkeneko urteotan; izan ere, dagoeneko ez dira liburuak batzen dituen espazio hutsa. Egun, gizartearen garapenak eraginda, beste euskarri eta informazio batzuk jasotzen dituzte liburutegiek.

Zergatik sortu zen liburutegi

berria egiteko asmoa herrian? Lehen esan dudan moduan, gizartearen izandako aldaketei erantzun guran erronkari heldu genion, eta lanean hasi ginen. Azken baten, gizartearen izandako aldaketei erantzuna eman gura izan diegu.

Zelakoa izango da, hortaz, liburutegi berria?

Hainbat esparru izango ditu: Haurtxoteka, beti nagusi batekin lagunduta egon beharko duten 0 eta 5 urte arteko umeendako; Haur eta Gaz-

“Liburutegiak dagoeneko ez dira liburuak batzen dituzten espazio hutsak”

“Hasieratik hona, proiektuan gauza ugari aldatu ditugu, baina oso gustura nago”

teen txokoa, lan egiteko txokoa eta irakurketa txokoa izango duena. DVD aparatua eta hiru ordenagailu izango du esparru horrek, kontsultak egiteko edo Interneten nabigatzeko. Bestetik, nagusien esparrua egongo da: Hemeroteka, lanerako lekua eta lau ordenagailu izango dituena; eta, azkenik, Harrera Guneak aurreko esparruendako komunak diren materialak batuko ditu.

Zein izango da zure lana?

Nagusien esparrua bultzatu gura dut momentu honetan. Leku gehienetan moduan, gurean ere umeak liburutegiko espazioaz jabetu dira, eta hori ekidin gura dut. Umeek ere izango dute euren lekua liburutegian. Dena dela, askotan izaten duten ludoteka kutsuarekin apurtu gura nuke.

Liburutegiaren diseinuan parte-hartze zuzena izan duzu.

Bai, nahiz eta eszedentzian egon, makinatxo bat ordu sartu ditut liburutegi berria dela-eta. Donostiako hainbat liburutegitan eta Gipuzkoako hainbat herritan egon gara, egin diren liburutegi berriak ikusten. Hasieratik hona, proiektuan gauza ugari aldatu ditugu, baina oso gustura nago egindakoarekin.

Datorren egubakoitzean inauguratuko da liburutegi berria.

Bai, 18:30ean izango da inaugurazio ekitaldia, liburutegi berriaren bertan. Herritar guztiak daude gonbidatuta inaugurazio ekitaldira. Berba bi egin ondoren, liburutegia ikusi ahal izango da. Hurrengo egunetan, gainera, hainbat ekin-tza egingo ditugu, jendea liburutegira hurrera dadin: ipuin kontaketa, txotxongiloak, Alberto Iñurrategiren hitzaldia...



Erretiratuak gustura dabilta “Tai Chi” egiten

60 urtetik gorako erretiratu koadrilatxo batek, *Tai Chi* egin gura zuela-eta, laguntza eskatu zion Udalari. Udalak lokala utzi bezain azkar talde txoa osatu, eta astean bitan elkartzen dira ekialdetik datorren eta gure artean hain modan dagoen *Tai Chi* egiteko. Gustura baino gusturago dabilzala esan digute jubilatuek; orain arte egindako beste gimnasiakin oso bestelako ariketak egiten ei dituzte. /A.G.

LABUR

Eskoriatzak ere sarean dauka webgunea

Datorren egubakoitzean –liburutegi berriaren inaugurazioan– aurkeztuko dute Udaleko arduradunek www.eskoriatza.net webgunea. Hortaz, datorren egubakoitzetik aurrera, herritarrek Eskoriatzaren gaineko era guztietako informazio izango dute sarean. Goienak garatu eta kudeatuko du webgunea, eta webgune dinamikoa izatea du helburu. Eten-gabe eguneratuko den albiste-gi elektronikoa ere izango du.

EDURNE

ESTETIKAN ESPEZIALIZATUTAKO ZENTRUA

Aranburuzabala 42
Tel.: 943 71 51 54
ESKORIATZA

Elektroterapia.

LAGUNAK
DASTALEKU

Gustora egoteko!

Intxaurtxueta 8
ESKORIATZA
943 71 40 63

MIRENTXU
TABERNA

Kafe goxoa hartzeko
Tel.: 943 71 41 67

NAIRA
Taberna

Aranburuzabala 16
Eskoriatza. 943 71 46 71

Gatz Museoa, Turismo Bulegoa eta denda kudeatzeko deialdia egin du Udalak

AINTZANE GARDOKI

Gatz Museoa, Turismo Bulegoa eta herrian jarriko duten oinarritzko produktuen denda kudeatzeko deialdia egin du Udalak. Interesa duenak eta proiektua bere gain hartu gura duenak otsailaren 17 arte dauka udaletxean aurkezteko epea.

Udalbatzak, 2002ko abenduaren 26an egindako batzarrean, Gatz Museoa, Turismo Bulegoa eta oinarritzko produktuen denda kudeatzeko deialdia egitea erabaki zuen. Hala, museoa, Turismo Bulegoa eta herrian kokatu den dendaren kudeaketa bere gain hartu gura dutenek proiektua aurkeztu beharko dute Leintz Gatzagako Udalean, otsailaren 17a baino lehen. "Proiektu horrek erabateko garrantzia du guretako: museoa gure ondasun kulturalaren ispilua da, eta hori munduari erakutsi gura diogu; bestetik, oinarritzko produktuen denda berriro ere herritarrei eskaintzea ezinbestekoa dela uste dugu. Ogia, esnea eta egunkaria eskaini behar ditugu, behintzat, besteak beste", esan digu Joxerra



ARTXIBOA

Lehenbailehen gura du Udalak proiektua abiaraztea eta, batez ere, herritarrendako denda zabaltzea.

Agirreurreta alkateak. "Horrez gainera, ikusiko dugu denda zertan geldituko den, baina agian dastalekua ere izatea ez legoke gaizki", gaineratu du alkateak.

Proiektuak aurkezteko epea amaituta, udalbatzak aurkeztutako proiektuak aztertuko ditu: "Ez dakigu zenbat aurkeztuko diren, baina jendea badabil infor-

mazioa eskatzeko deitzen. Otsailko osoko bilkuran gai hori aurrera ateratzea da gure asmoa, eta lehenbailehen proiektua abiaraztea", azpimarratu du.

"Museoa gure ondasun kulturalaren ispilua da, eta munduari erakutsi gura diogu"

"Oinarritzko produktuen denda herritarrei eskaintzea ezinbestekoa da"

"Ez dakigu zenbat aurkeztuko diren, baina jendea badabil informazioa eskatzeko deitzen"



Santa Agedan, bapo-bapo!

Santa Ageda eguna aitzakia hartuta bazkari ederra egin zuten herriko erretiratuek Arrate jatetxean. 22 lagun elkartzu ziren bazkaritara. Paella eta legatza saltsan izan zuten bazkaltzeko; gero, postrea eta kafea. Bazkalostean, kantatu egin zuten, Santa Agedaren omenez: "Baina nahiko xeberre ibili ginen, ahaztuta ere bage-neukan-eta kantua", esan digute. Horren ondoren, batzuek briskan eta beste batzuek musean egin zuten, ilundu arte. Datorren urtean berriz elkartzeko gertu daude.

LABUR

Sahararen aldeko laguntza emango du herriak

Mendebaleko Saharak azkeneko 27 urteotan bizi duen egoerari irtenbidea emateko eskatu dio Gatzagako Udalak Nazio Batuen Erakundeari. Herriko alkateak sinatutako gutun bat bidali diote NBEko idazkari nagusi Koffi Annani.

Bestetik, Sorginak emakume taldeak ere Mendebaleko Sahararen aldeko kanpaina bultzatu gura du herritarren artean. Dena dela, oraindik ez dute erabaki zer egingo duten.

Ze barri?

Izan zaitez zeu ere berriemaile!

Zure taldearen, auzoaren, elkartearen... gaineko informazioa emateko, deitu gurera!

943 79 86 21

aroztegia
Leintz

Aingeruardako ibilbidea
Tel.: 943 71 49 36
ESKORIATZA (Gipuzkoa)

- Sukalde altzariak egiten ditugu
- Armairu enpotratuak
- Neurri bereziak

**TOKI
ALAI
TABERNA**

Karajiloetan
espezializatua

Tel.: 943 71 47 29
ESKORIATZA

Aretxabaleta eta Eskoriatzako

Gremioen Gida

Zure etxearen osasun onerako



RADIO
ELECTRICIDAD
LEGAZPIA

"R.E.L.E."

Gotzon Beitia Lazkano

Denda:

Santa Ana 17, Eskoriatza
Tfnoa-Faxa: 943 71 41 65

Tallerra:

Santa Ana 12, Eskoriatza
Tfnoa-Faxa: 943 71 41 12

ESKORIATZA

AITZORROTZ
elektronika

- Tebista, audio eta bideo salmenta eta konponketa
- Instalazio elektrikoak
- Atezain automatikoak
- Antena kolektiboak
- Informatika

Aitzorrotz elektronika Tel.: 943 79 16 10
Otalora, 14 ARETXABALETAK

AIDE GAS S.L.

Loramendi 8, Aretxabaleta.
Tel.: 943 71 27 73 / 605 71 27 05

**Gas • Berogailuak
Bainuak • Iturgintza**

PINTURAS



ESKORIATZA

- Pintura orokorrean
- Fatxaden pintatzea
- Iztukuak, eta abar

Olaeta 2, 1-ek. ESKORIATZA
Faxa: 943 77 07 92. Sakelakoa: 605 772 769



Jon Axpe Oyanguren

**OYANGUREN
Iturgintza**

Aranburuzabala 15
ESKORIATZA
Tel.: 943 71 47 14
606 007 369
f.oyanguren@ctv.es

- Iturgintza • Gas • Berogailuak • Peetrolio-produktuak • limatizazioa

L. GONZALEZ

PINTURAK

Pintura orokorra eta enpapelatua

Araba ibilbidea 24, 3-D
ARETXABALETAK
686 113 581 / 943 79 65 46

**TXOMIN
igeltserotza
ARETXABALETAK**


ERREKABARREN 20
607 739 835 / 943 79 63 94



Instalazioen mantenu osoa
Berokuntza • Gas
Aire girotua • Haizeztatzea

Basabe industrialdea B-3. Aretxabaleta.
Tel.: 943 77 19 88. Faxa: 943 79 59 97

Dintura eta dekorazioa



San Migel 13, beheka C
ARETXABALETAK
609 143 119

**ARETXABALETAK
ITURGINTZA**

Durana, 16-Tel.: 79 17 53
ARETXABALETAK

**MUSAKOLA
Pinturak**

Durana 27, 3. solairua
ARETXABALETAK
Tel. 943 77 08 16 / 635 72 31 50

**J.J. ITURGINTZA
IRURE**

URA
GASA
KALEFAKZIOA

MITARTE 15
ARETXABALETAK

943 793 187



**Laster,
GIDA 2003
zure etxean!**

Gida osatuen,
erabilgarriena eta berriena.

Zure herriko
denden eta partikularren
telefonoen gida.